



Republika e Kosovës
Republika Kosova
Republic of Kosova

REPUBLICA E KOSOVES
REPUBLIKA KOSOVA
QENDRA PËR SHËRSEM TË QYTYT
CENTAR ZA USLUGU GRADANA

Sh. 01 Nr. 34774
U. 13 Br. 2024

Nr. i faq. 13 Data: 01/11/2024
Datum: KAMENICË 2024

Komuna e Kamenicës
Opstina Kamenica
Kamenica Municipality



RREGULLORE PËR ORGANIZIMIN DHE SHFRYTËZIMIN E PARKINGJEVE PUBLIKE NË KOMUNËN E KAMENICËS

Duke u bazuar në nenin 11 dhe 12, paragrafi 2 pika c, si dhe neni 40.2 pika a, e Ligjit Nr. 03/L-040, për vetëqeverisje lokale (Gazeta zyrtare e Republikës së Kosovës. Nr. 28/04, Qershor 2008) dhe të nenit 38 si dhe nenit 38.2 pika a, të Statutit të Komunës së Kamenicës Sh.01, Nr. 20203, të datës 21.06.2023, Kuvendi i Komunës, në mbledhjen e mbajtur me datën 29.10.2024, miraton këtë:

RREGULLORE

PËR ORGANIZIMIN DHE SHFRYTËZIMIN E PARKINGJEVE PUBLIKE

NË TERRITORIN E KOMUNËS SË KAMENICËS

DISPOZITAT E PËRGJITHËSHME

Neni 1

Qëllimi i kësaj Rregullore është përcaktimi i zonave të vend-parkimeve, kushteve për shfrytëzimin e vend-parkimeve, mënyrës së pagesës, çmimit dhe llojit të biletave për vend parkim, mënyrës së shfrytëzimit të tyre dhe mbikëqyrjes për parkimin e veturave në territorin e Komunës së Kamenicës.

Neni 2

Hapësira publike e parkimit është hapësirë e dedikuar për parkimin e automjeteve, e cila është e rregulluar si vend-parkim dhe është e sinjalizuar me shenja të trafikut dhe me informata rreth zonës së parkimit, me çmimet varësisht nga koha e parkimit, si dhe mënyrën e pagesës së parkimit.

Neni 3

LLOJET E PARKINGJEVE

Llojet e parkingjeve në kuptim të kësaj rregullore, konsiderohen:

1. Vend parkimet publike me kohë të caktuar, të cilat përfshijnë:
 - 1.1 Vend parkimet përgjatë rrugëve publike dhe hapësirave të destinuara si vend parkime publike (hapësirat e banesave kolektive dhe institucioneve tjera publike).
 - 1.2 Vend-parkimet "Parko dhe udhëto"
 - 1.3 Vend-parkimet publike - garazhet
2. Parkingjet private.

Neni 4

1. Vend parkime publike, janë të gjitha vend parkimet përgjatë rrugëve publike dhe hapësirave të destinuara si vend parkime publike, ku pronar është kuvendi komunal dhe menaxhohen nga Komuna apo Ndërmarrja Publike Lokale N.P.L “Dardana” SH.A.

1.1 Hapësirat e vend parkimeve publike, mund t'u jepen në shfrytëzim institucioneve vendore, ndërkombëtare dhe diplomatike me vendim të veçantë nga Drejtoria e Shërbimeve Publike Ambient dhe Inspektorat.

1.2 PAGESA për shfrytëzimin e vend parkingjeve publike sipas pikës 1 bëhet në Ndërmarrjen Publike Lokale N.P.L “Dardana” SHA, sipas çmimorës së përcaktuar nga Kuvendi Komunal.

2. Vend parkingjet private, janë të gjitha ato vend parkime të cilat i përmbushin kushtet dhe standardet të përcaktuara nga kjo rregullore si:

2.1 Certifikatën e biznesit me kodin për ushtrimin e veprimtarisë,

2.2 Fletën poseduese dhe certifikatën e pronës (origjinali), në emër të pronarit, (nëse prona është me qira, marrëveshjen apo kontratën e noterizuar me pronarin e parcelës për shfrytëzimin e hapësirës së caktuar për vend parkim), jo më e vjetër se gjashtë muaj;

2.3 Projektin për kyçje dhe funksionet e kyçjes së vend parkimit, i hartuar nga Inxhinieri i fushës përkatëse;

2.4 Pëlqimi për kyçje në rrugë;

2.5 Hapësira për vend parkim duhet ti ketë së paku 10 vende për parkim;

2.6 Nuk lejohet kyçja në rrugën e cila ka më tepër se dy shirita për kahe të njëjtë të lëvizjes;

2.7 Parkingu duhet të ketë qasje direkt në rrugë, jo të kaloj për mes trotuarit;

2.8 Të ketë sinjalizimin horizontal dhe vertikal;

2.9 Të jetë e shtruar me kubza betoni ose asfalt;

2.10 Të ketë sistemin digjital të sigurisë, sistemin e kamerave;

2.11 Aktvendimin e pranimi teknik për plotësimin e kushteve minimale teknike.

3. Dokumentacioni i nevojshëm për marrjen e pëlqimit për kyçje në rrugë:

3.1 Certifikata e pronës dhe kopja e planit, jo më e vjetër se gjashtë muaj, ose kontrata e noterizuar për shfrytëzimin e pronës;

4. Lejen për ushtrimin e veprimtarisë afariste të parkingjeve e jep Drejtoria e Shërbimeve Publike Ambient dhe Inspektorat, pas plotësimit të kriterëve të parapara sipas nenit 4, të kësaj rregullore.

5. Afati i vlefshmërisë së Lejes së operimit është 3 (tri) vite, nga data e lëshimit të lejes.

6. Revokimi i lejes së operimit, mundë të bëhet në çdo kohë nga organi që e ka lëshuar lejen, kur konstatohet nga inspektori i komunikacionit se subjekti përkatës nuk i është përmbajtur kritereve të përcaktuara në këtë rregullore.

7. Në momentin e pajisjes me leje përkatëse, operatori obligohet të pajiset me arkë fiskale.

8. Kuponi fiskal duhet të lëshohet për secilin shfrytëzues në momentin e fillimit të kohës së parkimit.

9. Taksa për dhënien e lejes si në nenin 4 do të jetë:

9.1 Për marrjen e lejes së përgjithshme të operimit, secili aplikues duhet të paguaj taksën e përgjithshme në vlerë prej 800,00 € , dhe

9.2 Taksën vjetore për secilin vend parkim sipas ndarjes së më poshtme:

9.2.1 Zona e I, – 40.00 € për një vend parkim;

9.2.2 Zona e II, - 20.00 € për një vend parkim;

9.2.3 Zona e III, - për periudhën dy vjeçare pas pajisjes me leje do të lirohet nga taksa e pagesës, ndërsa pas periudhës dy vjeçare, taksa do të jetë 10.00 € për një vend parkim; h

9.2.4 Për zonat I, II. dhe III, të cilat nuk punojnë me orar të plotë por vetëm në ditë të caktuara, aplikohet vetëm 50% e taksës;

10. Vend parkimet publike të cilat menaxhohen nga NPL “Dardana” Sh.A.;

10.1 Vend parkimet publike me pagesë për banorët rezidentë;

10.2 Vend parkimet publike mundë të jenë të përhershme ose të përkohshme rrugore dhe jashtë rrugore;

10.3 Vend parkimet e përhershme publike janë ato vende ku vend parkimi paguhet për tërë vitin kalendarik;

10.4 Vend parkimet e përkohshme publike janë ato vende në të cilat parkimi paguhet gjatë rregullimit të përkohshëm të komunikacionit, gjatë organizimit të manifestimeve të ndryshme, ngjarjeve tjera dhe të ngjashme;

10.5 Vend parkimet rrugore publike, janë parkingjet të cilat gjenden në rrugë dhe trotuare, të shënuara në mënyrë të veçantë me shenja horizontale dhe vertikale të

trafikut, në pajtim me Ligjin mbi rregullat e trafikut rrugor Nr.05/L-088 dhe udhëzimit administrativ nr.09/2017 për sinjalizim dhe rregullat e trafikut rrugor dhe me dokumentacion teknik;

10.6 Vend parkimet jashtë rrugore publike mundë të jenë të asfaltuara ose me kubëza betoni.

11. Vend parkimet "Parko dhe udhëto".

11.1 Vend parkimet "Parko dhe udhëto" janë parkimet e lokalizuara në distanca më të mëdha larg qendrës së qytetit, dhe janë të lidhura me një shërbim tërheqës të transportit publik me qendrën kryesore urbane. Sigurimi i hapësirave të parkimit në periferi të qytetit, ka për qëllim ta ndërpresë trafikun e udhëtarëve, të turistëve dhe banorëve dhe t'i transportojë ata në qendër të qytetit për mes lidhjes së shpejtë dhe të shpeshtë, me cilësi të lartë të transportit publik. Kjo do të zvogëlojë nivelin e mbingarkesës në qendër të qytetit dhe do të mundësojë rialokim të hapësirës për qëllime të tjera;

11.2 Lokacioni vend-parkimeve "Parko dhe udhëto", duhet të jetë i pozicionuar mirë, të arrihet lehtësisht dhe të jetë i dukshëm ose i sinjalizuar mirë nga anët e rrugëve kryesore për qasje;

11.3 Kostoja e përdorimit të shërbimit duhet të jetë shumë më e vogël sesa parkimi në parkingjet e zonës qendrore të qëndrimit afatgjatë;

11.4 Lokacioni duhet të ofrojë elemente përcjellëse të mira, si strehim, telefona, siguri, ndërrim dhe dukshmëri të mirë;

11.5 Gjatë shqyrtimit të sistemit "Parko dhe udhëto", ekzistojnë një numër çështjesh specifike, që duhet të adresohen në vlerësimin dhe zhvillimin e skemës për qytetin e Kamenicës, duke përfshirë:

11.5.1 Mundësinë e lokacioneve të ndryshme në pajtim me politikat;

11.5.2 Vend ndodhjen dhe dizajnin e hapësirave;

11.5.3 Klientelen, ofrimin e mënyrave tjera të lëvizjes dhe kapacitetin për biznes;

11.5.4 Lidhshmërinë me vend parkimet në dispozicion në zonën qendrore të qytetit dhe kostos së parkimit në zonën qendrore;

11.5.5 Lidhshmërinë me propozimet e tjera brenda qytetit të Kamenicës, duke përfshirë zhvillimin e itinerareve të linjave kryesore dhe dytësore të autobusëve.

Neni 5

MENAXHIMI DHE KLASIFIKIMI I VENDPARKIMEVE PUBLIKE

1. Vend parkimet e kaltër, të shënuara me një vijë ngjyrë të kaltër (sinjalizimi vertikal dhe horizontal), është e përcaktuar vetëm për banorët me leje të vlefshme parkimi, të cilët parapaguajnë, dhe mundë të parkohen në ato vend parkime. Të tjerët mund t'i përdorin këto vend parkime, vetëm pasi të kenë paguar përmes aplikacionit online të parkimit ose duke përdorur aparatin e biletave të parkimit. Kjo mënyrë e përdorimit të vend-parkimeve lejon një kohe maksimale të parkimit prej 2 orësh.
2. Vend-parkimet vjollce, të shënuara me një vijë ngjyrë vjollce (sinjalizimi vertikal dhe horizontal), është e përcaktuar vetëm për banorët me leje të vlefshme parkimi të cilët parapaguajnë mund të parkohen në vend parkimet me ngjyrë vjollce. Të tjerët mund t'i përdorin këto vend parkime me se shumti për 24 ore, vetëm pasi të kenë paguar përmes aplikacionit online të parkimit ose duke përdorur aparatin e biletave të parkimit.
3. Vend parkimet e portokallta, të shënuara me një vijë të bardhë të ndërprerë dhe një shenjë trafiku me një shirit ngjyrë portokalli, janë përcaktuar për parkingun me kohë të shkurtër. Të gjithë përdoruesit mund t'i përdorin vend parkimet e portokallta për parkim më së shumti deri në 2 orë dhe vetëm pasi të kenë paguar për mes aplikacionit online të parkimit ose duke përdorur aparatin e biletave të parkimit.
4. Biletat e parkimit mundë të paguhet duke përdorur aparatin e biletave të parkimit (pagesë me anë të kartelës ose parave të gatshme-Euro), ose duke përdorur aplikacionin online të parkimit. Klientët do të identifikohen duke përdorur numrin e targave të automjeteve të tyre. Inspektimi i lejeve të parkimit do të bëhet në mënyrë automatike, duke përdorur një sistem monitorues.

Neni 6

ZONAT E PARKINGJEVE

1. Vend parkingjet Publike klasifikohen në zona:
 - 1.1 Zona e I, (qendra e qytetit), dhe klasifikohet si zona me kohëzgjatjen më të shkurtër të lejuar të parkimit. Është hapësira që përfshin qendrën e qytetit;
 - 1.2 Zona e II, Hapësira e cila përfshihet nga përfundimi i zonës së parë deri te rruga qarkore;
 - 1.3 Zona e III, periferike.

SINJALIZIMI HORIZONTAL DHE VERTIKAL

Neni 7

1. Parkingjet janë sipërfaqe për parkimin e automjeteve, të cilat përbehen nga një apo më shumë vende të parkimit. Vendi për parkim është vendi i përcaktuar për parkimin e automjeteve. Mund të jetë i vendosur në parkingje të rregulluara, në rrugë apo në garazhe. Detyra e vend parkimit të shënuar është vendosja e automjeteve në hapësirë, në njërën nga mënyrat e organizimit të parkimit me dimensionet përkatëse:

1.1. Vend parkimi në këndin 90° - me dimensione 250 (cm) X 455(cm), gjerësia e kalimit 550 (cm), për lëvizje një ose dy kahore;

1.2. Vend parkimi në këndin 60° - me dimensione 250 (cm) X 485 (cm), gjerësia e kalimit 470 (cm) për lëvizje një kahore dhe 550 (cm) për lëvizje dy kahore;

1.3. Vend parkimi në këndin 45° - me dimensione 250 (cm) X 485 (cm), gjerësia e kalimit 350 (cm) për lëvizje një kahore dhe 550 (cm) për lëvizje dy kahore;

1.4. Vend parkimi në këndin 30° - me dimensione 250 (cm) X 425 (cm) gjerësia e kalimit 350 (cm) për lëvizje një kahore dhe 550 (cm) për lëvizje dy kahore;

1.5. Vend parkimi në këndin 0° - me dimensione 215 (cm) X 640 (cm), gjerësia e kalimit 350 (cm) për lëvizje një kahore dhe 550 (cm) për lëvizje dy kahore;

1.6. Vend parkimi i rrethuar - 270 (cm) X 550 (cm);

1.7. Vendet për parkim shënohen me vija horizontale me gjerësi të vijës prej 10 (cm). Vendet e veçanta të parkimit (për persona me aftësi të kufizuara, vende të rezervuara etj.) shënohen me ngjyre të kaltër.

2. Vendosja e sinjalizimit përkatës, vertikal dhe horizontal të vend parkimeve publike bëhet nga Komuna, përkatësisht Drejtoria e Shërbimeve Publike, Ambientit dhe Inspektoratit, ose nga NPL "Dardana" Sh.A. ndërsa të parkingjet private sinjalizimi horizontal dhe vertikal kryhet nga vetë pronari në kuadër të projektit nën mbikëqyrjen e organit kompetent.

MËNYRA E PAGESËS

Neni 8

Mënyra e pagesës së parkimit të menaxhuar nga NPL “Dardana” Sh.A. do të përcaktohet nga ana e kësaj ndërmarrje për mes një akti të sajë të brendshëm.

Neni 9

BILETAT E RREGULLTA TË PARKIMIT – ORËSHE DHE DITORE

Propozimin e çmimit për shfrytëzim të vend parkimit si dhe kohëzgjatjen e atij shfrytëzimi duhet përmbledhur për periudhën kohore gjatë ditës, për këtë arsye propozohet periudha kohore në të cilën është vendosur regjimi i propozuar i shfrytëzimit gjatë ditës. Prandaj për 2 orët e para do të paguhet çmimi i biletës orëshe, ndërsa vazhdimi i parkimit do të ishte karakterizuar si parkim gjatë gjithë ditës dhe në këtë rast do të shitej bileta ditore e parkimit.

Neni 10

BILETAT MUJORE DHE VJETORE TË PARKIMIT

1. Banoreve rezident do të ju ofrohet mundësia e parkimit të privilegjuar në kapacitetet publike të parkimit, (d.m.th. në ato lokacione në të cilat është i paraparë parkimi i privilegjuar, një njësi banesore-vetëm për një parking, ku pagesa mundë të jetë mujore apo vjetare) me pagese minimale.
2. Për këtë qëllim duhet të kryhet procedura e nevojshme administrative (dëshmia e adresës së banimit) dhe të paguhet tarifat administrative dhe shpenzimet materiale të lëshimit të biletës së parkimit të privilegjuar, për një periudhë të caktuar nga një apo më shumë muaj, derisa vetë ta ndërpresë atë.
3. Shfrytëzimi i privilegjuar i vend parkimeve u referohet tri kategorive të shfrytëzuesve dhe me prioritet, sipas renditjes në vijim:
 - 3.1 Banorët të cilët jetojnë në rrugën ku parkimi paguhet (rezident);
 - 3.2 Personat juridikë të cilët e kanë selinë e vetë në rrugë ku parkimi paguhet, vetëm për veturat e tyre zyrtare;
 - 3.3 Të punësuarit të cilët punojnë në zonën ku parkimi paguhet, varësisht nga gjendja ekzistuese në vend parking.

Neni 11

PARKINGJET E REZERVUARA

Personat fizik dhe juridik kanë të drejtë të rezervojnë hapësirat për parkim në vend parkingjet publike të cilat gjenden nën menaxhim të NPL “Dardana” Sh.A. me pagesë të çmimit të përcaktuar sipas çmimorës së miratuar nga Kuvendi Komunal. Çmimi i propozuar duhet të jetë në harmoni me rregulloren komunale për taksa, tarifa dhe gjoba komunale.

Neni 12

MËNYRA E PAGESËS SË ÇMIMIT PËR PARKIM

1. Për shfrytëzimin e parkingut, shfrytëzuesi është i obliguar të paguaje çmimin e parkimit, varësisht nga koha e shfrytëzimit të vend parkimit dhe zonës në të cilën gjendet Vend parkimi;
2. Çmimi propozohet nga Komuna -komision i formuar me vendim të kryetarit dhe i njejt miratohet nga Kuvendi i Komunës;
3. Shfrytëzuesi është i obliguar të paguaj çmimin e parkimit për çdo orë të filluar të shfrytëzimit;
4. Shfrytëzuesi është i obliguar të respektojë kohën e lejuar për parkim.

Neni 13

SHFRYTEZIMI I PARKINGJEVE

1. Përdoruesi i parkingut brenda kuptimit të dispozitave të kësaj rregullore konsiderohet ngasësi ose pronari i një automjeti, nëse vozitësi i cili ka parkuar automjetin në parking nuk identifikohet.
2. Pagesa e parkimit në zonën I bëhet çdo ditë të javës, duke filluar nga ora 7:00 deri në ora 24:00h.
3. Pagesa e parkimit në zonën II bëhet çdo ditë, në intervalin kohor prej orës 07:00 deri në orën 20:00. Pagesa nuk bëhet të shtuneve, të dielave dhe ditëve të festave publike.
4. Përdoruesi i parkingut është i obliguar që:
 - 4.1 Të përdorë vendin e parkimit në përputhje me sinjalizimin e trafikut vertikal dhe horizontal, me të cilin është i shënuar vendi i parkimit;
 - 4.2 Të veprojë në përputhje me kufizimin e kohës së shfrytëzimit të hapësirave të parkimit të përcaktuara sipas kësaj rregullore;
 - 4.3 Të paguaj përdorimin e hapësirave të parkimit sipas kohës së mbajtjes, në mënyrën e përcaktuar dhe sipas listës së çmimeve të vlefshme pas kohës së fillimit;
 - 4.4 deri në skadimin e kohës së parkimit të paguar dhe në përputhje me këtë rregullore ta largojë automjetin nga parkingu.

Neni 14

KATEGORITË E LIRUARA NGA OBLIGIMI I PAGESËS PËR PARKIM

1. Nga obligimi për pagimin e shfrytëzimit të vend parkingjeve, lirohen kategoritë si në vijim:
 - 1.1 Automjetet zyrtare të Komunës dhe të nivelit qendror,
 - 1.2 Automjetet me tabela diplomatike,
 - 1.3 Automjetet zyrtare të FSK dhe policisë së Kosovës,
 - 1.4 Personat me nevoja të veçanta të cilët janë nën përcjellje të personit shoqërues,
 - 1.5 Automjetet e shërbimit emergjent, zjarrëfiksëve,
 - 1.6 Shoqatat humanitare, bashkësitë fetare;

Neni 15

NDALËSAT E PARKIMIT

1. Parkimi dhe ndalimi i automjeteve në kundërshtim me shenjat e trafikut, sinjalizimin horizontal dhe vertikal;
2. Parkimi dhe ndalimi i automjeteve të peregjistruara;
3. Lënia e një automjeti që nuk funksionon, të braktisur ose të dëmtuar;
4. Parkimi dhe ndalimi i automjeteve në hapësirat e parkimit për personat me aftësi të kufizuara, si dhe në vende të rezervuara parkimi, nëse përdoruesi nuk i përket kategorive të përmendura;
5. Parkimi i një automjeti që nuk i përket kategorisë së automjetit për të cilin është
6. planifikuar parkimi;
7. Parkimi i automjetit për kohë më të gjatë se koha e parashikuar për parkim në zonën e dhënë;
8. Nxënia e parkingjeve duke vendosur rrethoja ose pengesa të ngjashme;

Neni 16

SHKELJET BRËNDA PARKINGJEVE TË MENAXHUARA NGA NPL "Dardana" Sh.A.

1. Në rast të mos kryerjes së pagesës për parkim, zyrtari (kontrollori) i NPL "Dardana" obligohet të pres 5 minuta nga momenti i parkimit të automjetit, dhe nëse pas kalimit të këtij afati kohor qytetari nuk kryen pagesën, automjeti do të bllokohet për mes vendosjes së bllokadës.
2. Në rastin nga paragrafi 1 i këtij neni, nëse shfrytëzuesi nuk ndodhet në vend ngjarje ose kundërshton largimin e automjetit, zyrtari përkatës në bashkëpunim me zyrtarët

- policor, do të urdhëroj largimin e automjetit brenda afatit të caktuar apo vendosin për lejin e konfiskimit duke lajmëruar automjetin special (merimanga);
3. Në raste se pagesa për zhbllokim të automjetit nuk kryhet brenda një ore, automjeti do të bartet në autoparkun e komunës, ku për bartjen e automjetit qytetari obligohet të paguaj çmimin e përcaktuar sipas vendimit mbi caktimin e shumës maksimale të shpenzimeve të zhvendosjes së mjeteve me nr. 01/0313 të datës 25.03.2022 (të lëshuar nga Ministria e Punëve të Brendshme). Nëse personi të cilit i është bllokuar automjeti, paraqitet në vend parkimin e automjetit gjatë përgatitjes për bartje, obligohet të paguaj vetëm gjysmën e çmimit për bartje të automjetit sipas çmimorës së përcaktuar.
 4. Në rast se automjeti është parkuar në kundërshtim me këtë rregullore dhe bllokun/pengon mbarëvajtjen e trafikut rrugor zyrtarët e NPL “Dardana” në bashkëpunim me policinë e Kosovës dhe OE (kompaninë e kontraktuar) nga AK, janë të autorizuar të bëjnë bartjen e menjëhershme të automjetit.
 5. Për zhbllokimin e automjetit, qytetarët duhet të paguajnë shumën prej 10 € (dhjetë euro).
 6. Zyrtarët/kontrollorët e NPL e NPL “Dardana” Sh.A. në bashkëpunim me zyrtarët e policisë së Kosovës të autorizuar të ushtrojnë kërkesë për fillimin e procedurës kundërvajtëse ndaj personave të cilët veprojnë në kundërshtim me urdhërat e zyrtarëve/kontrollorëve të ndërmarrjes dhe të ndërmarrin masat e duhura për shfrytëzimin e parkingjeve publike dhe private, në harmoni me dispozitat e kësaj rregullore.
 7. Qytetarët mundë ti shfrytëzojnë hapësirat publike të destinuara si vend parkingje publike për gjatë rrugëve publike/parkingjeve komerciale, për 5 (pesë) minuta pa pagesë.
 8. Për bllokimin, zhbllokimin dhe bartjen apo zhvendosjen e mjeteve vlenë vendimi mbi caktimin e shumës maksimale të shpenzimeve të zhvendosjes së mjeteve me nr. 01/0313 të datës 25.03.2022 9 (të lëshuar nga MPB). Vendi (autoparku) për vendosjen e mjeteve është i definuar dhe menaxhohet nga Komuna.

Neni 17

MBIKËQYRJA

1. Mbikëqyrjen e zbatimit të kësaj rregullore e kryen Drejtoria e Shërbimeve Publike, Ambientit dhe Inspektoratit e cila është e obliguar dhe kompetente të mbikëqyrë:
 - 1.1 Lejen e operimit të secilit parking publik apo privat;
 - 1.2 Përmbushjen ose jo të kriterëve të përcaktuara këtë rregullore lidhur me parkingjet private si dhe dispozitat tjera që ndërlidhen me kriteret për operimin e parkingjeve publike;
 - 1.3 Rregullsitë e përgjithshme teknike të parkingjeve publike dhe private;
 - 1.4 Kontrollimin e procedurave të ndjekura nga zyrtarët e NPL “Dardana” Sh.A.
 - 1.5 Kontrollimin e implementimit të çmimorës së miratuar në Kuvendin Komunal;
 - 1.6 Kontrollimin nëse parkingjet publike dhe private operojnë në përputhje me dispozitat e kësaj rregullore;
 - 1.7 Të urdhëroj NPL , subjektin privat për mënjanimin e mangësive të evidentuara gjatë inspektimit brenda një afati të caktuar.

PROCEDURAT SIPAS ANKESAVE

Neni 18

1. Të gjithë qytetarët kanë të drejtë që në çdo kohë të ushtrojnë ankesë pranë Drejtorisë së Shërbimeve Publike, Ambientit dhe Inspektoratit, vetëm për çështjet të cilat ndërlidhen dhe kanë të bëjnë me autorizimet e kësaj drejtorie si që është përcaktuar në nenin 17 të kësaj rregullore.
2. Në rast të ushtrimit të ankesës nga qytetarët pranë Drejtorisë së Shërbimeve Publike, Ambientit dhe Inspektoratit, si që është përcaktuar në paragrafin 1 të këtij neni, kompetent për vendosjen e çështjes do të jetë Inspektori i Komunikacionit nga kjo drejtori.
3. Të gjitha ankesat e tjera që nuk janë pjesë e autorizimeve të Drejtorisë së Shërbimeve Publike Ambientit dhe Inspektoratit, sipas nenit 17 të kësaj rregullore, palët duhet ti drejtohen NPL “Dardana” Sh.A.

DISPOZITAT NDESHKUESE

Neni 19

1. Për shkelje të parapara në nenin 15, paragrafi 1 dhe 5, dënohen me gjobë prej 30€;
2. Për shkelje të parapara në nenin 15, paragrafi 2, 3 dhe 7, dënohen me gjobë prej 100€;
3. Për shkelje të parapara në nenin 15, paragrafi 4 dhe 6, dënohen me gjobë prej 20€;
4. Nëse personi juridik operon pa leje për ushtrimin e veprimtarisë përkatëse, dënohet me gjobe prej 1000-3000€;
5. Operatori publik ose privat i cili vepron në kundërshtim me dispozitat e kësaj rregullore, dënohet me gjobë prej 200€;
6. Operatorit publik ose privat, i ndalohej që të kryej shërbime të riparimit, apo aktiviteteve të tjera që ndikojnë në funksionimin normal të parkimit, dënohet me gjobe prej 800 - 1 000 €.
7. Për çdo shkelje nga operatori publik apo privat që është në kundërshtim me dispozitat e kësaj Rregullore, dënohet me gjobe prej 100-500€, me përjashtim të pikave nga 1- 6.
8. Nëse operatori publik apo privat përsërit shkeljet e përshkruara më lartë deri në tri herë e më tepër, i revokohet leja.

DISPOZITAT PËRFUNDIMTARE

Neni 20

Kjo rregullore hyn në fuqi 15 ditë pas regjistrimit në Zyrën e protokollit të Ministrisë së Administrimit të Pushtetit Lokal, si dhe publikimit në gjuhët zyrtare në web-faqen e Komunës.

Kamenicë,

Datë: 01.11.2024

**Liridon Kastrati**
Kryesues i Kuvendit të Kamenicës